



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De crebrâ per diem mentis in Deum elevatione ex omnibus, quæ per
sensus attinguntur, animæque potentiis se objiciunt

Limpens, Ferdinand

Coloniæ Agrippinæ, 1744

Quartò.

Nutzungsbedingungen

[urn:nbn:de:hbz:466:1-54773](#)

[qui absque eo tot Script. textus additione, demptione corruptit , ut videre est in titulis de Eucharistia, bonis operibus , sacra Scriptura, Sacerdotio, &c.] fidendum non esse. 2^{do}. Quod quoad interpretationem Scripturæ non obstante , quod in Adversariorum principiis ea sit clara , nequidem ipsi sectæ Calvinisticæ principiis etiam quoad celebratores textus , unde principaliores fidei controversiae decidenda sunt, convenient. 3rd. Quod ergo præ Neotericis ab Ecclesia se separantibus , antiquasque hæreses recoquenteribus amplectenda sit facias Scripturæ versio ac interpretatio juxta communem unanimem & antiquam generalium Conciliorum & SS. PP. doctrinam juxta illud 2. Pet. 1. v. 20. & 21. Hoc primum intelligentes , quod omnis Prophetia Scriptura propriâ interpretatione non sit. Non enim voluntate humana allata est aliquando , sed Spiritu S. inspirati locuti sunt Sancti Dei homines , & qui illam in utroque testamento nobis tradidere , & qui in Conciliis generalibus legitimè congregatis ob promissam à Christo Ecclesie suæ Spiritus S. assistentiam eam interpretati sunt.

Quarto.

Veritas te quoctunque velis mi Domine, hoc vel illud verum esse Dei verbum , hanc non illam interpretationem esse legitimam , ut sèpè dixi , non inclamat tibi ipsa Scriptura. Cùm ergo proportionatam sibi homines in communi

hoc

hoc gravissimo negotio regulam habere de-
beant, unde vera à falsis secernere valeant. Con-
fugiendum est ad aliquam autoritatem huma-
nam, pro qua solidissima credibilitatis motiva
militant, quod divinâ fulciatur assistentiâ. An
jam talis tibi videri debet Calvini (idem est de
Luther, Zwinglio) autoritas ejusque assecla-
rum? vel an non potius primorum quatuor
Conciliorum & insequentium eadem fidei dog-
mata sub eorum capite Romano Pontifice tra-
dentium? ultimum si admittis, noster eris, dum
dogmata horum Patrum cum Calvini è diamet-
tro oppositis conferes. Si negas, vide sis 1mo.
An prudentiae & rationi conforme sit tot Patri-
bus & Conciliis unum Calvinum anteponere,
qui suam immediatam à Deo missionem ad iis
contradicendum in æternum probare non po-
tebit, ut jam sèpè dictum. 2do. Si quatuor
prima Concilia non ritè Scripturam interpretata
sunt. Ergo tunc nulla in primis istis sæculis ve-
ra fuit Ecclesia, quam tamen ab initio promul-
gata novæ legis usque ad finem mundi staturam
predixit Christus. Nec juvat dicere primo. Il-
lam constitisse ex iis, qui dogmata his conciliis
opposita tradiderant. Nam illi ex maxima suâ
parte fuere Sabelliani, Manichæi, Ariani, Semi-
Ariani, Nestoriani, aliquique, qui tûm circa SS.
Trinitatis mysterium, tûm veram Chri sti divi-
nitatem ac humanitatem varias sparsere hæreses,
quos tu ipse pro Hæreticis habes. Nec juvat
dicere 2do. Ecclesiam veram Christi tunc fuisse
invisibilem. Nam juxta Augustinum securissi-

mum, fidissimum teste Calvino antiquitatis testimoniis, sacrae Script. Sydus, & omnium Theologorum Principem Ecclesia Christi (qua est lux mundi, civitas super montem posita, lucernam candelabro. Lib. de unitate Ecclesiae cap. 14.) abscondi nec debet nec potest. Quomodo enim gentes eam inventient? cum Is. 49. dicatur: Ecce dedi te in lucem gentium, ut sis salus mea usque ad extremum terrae. Et tunc: Ecce isti de longe venient, & ecce illi ab aquilone & mari, & isti de terra australi. Et Is. 60. Ambulabunt gentes in lumine tuo, & Reges in splendore ortus tui. Leva in circuitu oculos tuos, & vide. Omnes isti congregati sunt, venerunt tibi. Filii tui de longe venient, & filiae tuae de latere surgent, &c. Et ubi verbum in Scriptura? quod aliquando visibilis sit Dei Ecclesia, aliquando ab omnibus oculis submoveatur. Quin econtra thronus ejus sicut sol in conspectu meo, & sicut luna perfecta [plena] & testis in calo fidelis. Ps. 88. & 38. Semper igitur in Ecclesia est plenilunium, non illa lunae variatio, de qua scriptum est Eccl. 27. Stultus sicut luna mutatur. Unde pulchre Chrysost. hom. 4. in c. 6. Is. Facilius est solem extingui quam Ecclesiam obscurari. Calvinus lib. 4. c. 1. §. 7. duplarem esse dicit Ecclesiam, invisibilem prædestinatorum soli Deo conspicuum, & visibilem respectu hominum, quam observare, eaque communionem colere jubemur. Extra quam, ut l. c. §. 4. dicit, non est salus. Ergo invisibilis sine illa salvari non potest. Quænam jam erit vera visibilis Ecclesia Christi? nunquid potius

tus in ea fuere Patres in quatuor primis conciliis congregati? quam Calvinus cum sua factione furiosè in Ecclesiam, quam reliquit, detonans & Papam Antichristum, Ecclesiam Catholicam feticidam meretricem ob impiam ejus doctrinam, idolatriam, superstitionem vocitans lib. 4. c. 2. Idolatriam non exerceri per Sacrificium Missæ, cultum Sanctorum; nec impiam esse doctrinam de libero hominis arbitrio, bonis operibus, consiliis Evangelicis sectandis, vidisti mi Domine in titulis desuper agentibus. Hinc meræ sunt blasphemiae, quas Calvinus evomit. Sicut & perpetuò sibi meti ipsi hac in materia contradicit. Modò enim Ecclesia Dei vivit, modo jugulara est Sacerdoti, nunc est ædificium suis partibus constans, nunc est semirutum, nunc est dirutum. Aliquando est Synagoga Sathanæ, aliquando est Ecclesia Dei, ut applicare possit Papæ Romano illum Script. locum, quod Antichristus lessurus sit in Ecclesia Dei. Nolo his immorari ulterius. Visibilis semper fuit vera Ecclesia. Falsum quod latuerit, Diabolus illam jugularit, quia supra petram erat posita, contra quam prævalere nunquam potuerunt nec poterunt inferorum portæ teste Christo. Dum Pontifex moritur, injustè deponitur, ut fecit Concilium Basilicense (de quo in vanum gloriatur Calvinus, quod ad hunc Achillem respondere non possint Papistæ) dum Pontifices Romani male vixerunt, dum Pseudo-Papæ fuerunt, & schismata; fuit & mansit semper vera Ecclesia Christi, scilicet cœtus fidelium unius avitæ fidei reli-

religionis in materia de Sacramentis aliisque dogmatibus. Nec Calvinus debet adscribere Christus, quod Ecclesia ejus ex latebris denud emerserit, ut thralonicè gloriatur, & stolidè in Epist. ad Regem Galliae. Nam nec heres ulla latuit, quæ à quatuor primis Conciliis, & dein in subsequentibus usque ad Tridentinum inclusivè damnata est, nec Ecclesia vera latuit, quæ eas in oecumenicis Conciliis de seculo in in seculum, & novissimè in Tridentino Calvinianam, Lutheranam &c. condemnavit. Nec latuere de seculo in seculum Ecclesiae Doctores, sancti Patres, Viri in Universitatibus Catholicis doctissimi ac celeberrimi, qui Ecclesiae Catholicæ dogmata invictis argumentis propugnauunt. Dixi supra Calvinum sibi perpetuò hac in materia contradicere. Unde sequitur Calvinum ex Calvino prosterni. Hujus rei argumentum sint duo sequentes in optima forma dylogismi & unum Enthymema. *Primus.* Extra visibilis Ecclesia gremium nulla est speranda peccatorum remissio nec ulla salus, sed multis ante hac saculis nulla fuit Ecclesia visibilis. Ergo multis antehac saculis nec peccatorum remissio fuit nec ulla salus. Major est Calvini l. 4. Instit. c. 1. §. 4. minor est Calvini plurimis locis, ut in Epist. ad Regem. l. 1. Instit. c. 11. §. 9. lib. 4. c. 1. §. 1. & 2. Quod, si dicat Ecclesiam visibilem semper fuisse, sed interdum non fuisse visam, eò quod in abscondito lateret, iterum sibi contradicendum toties afferit, Ecclesiam interiisse, quod de visibili vult intelligi. Dein prorsus inanit, Nam

Nam si latuit & incognita fuit vera visibilis Dei Ecclesia, unde novit Calvinus ipsam latuisse? hoc probet solido aliquo fundamento ex Scriptura. Adducit ex ea, quod tempore Eliæ reseravat sibi Deus octo millia in regno Israel, qui non curvarunt genua ante Baal. Sed quomodo exinde sequitur Ecclesiam Dei tunc latuisse? nonne Israelitis sive decem tribubus in idololatriam delapsis vera & conspicua fuit Ecclesia Dei in regno Judæ?

Secundus. Ecclesia, qua fidem in Christum preservetur, qua verbum prædicatur, & Cœnam administratur, non potest latere. Ut terminos intelligenti perspicuum est. Sed visibilis Ecclesia habet omnia facit teste Calvino l. 4. Instit. c. 1. §. 7. Ergo non potest latere.

Enthymema Christi Ecclesia vixit & vivet, quam diu Christus regnabit ad dexteram Patris. Christi Ecclesia excisa est, interiit, nihil ejus residuum est, submersa, subversa est, ejus ingulus transfixus, & præcordia lethaliter sauciata. Ita variis in locis Calvinus. Ergo quod interiit Eccl. vixit semper, semperque vivet. Qualis contradicatio! nec hic dici potest Calvinum semel de visibili semel de invisibili loqui Ecclesia. Quia sic saltem aliqua Christi Ecclesia interiisset. Quid directè pugnat contra assertum Christi Matt. 16. v. 18. Et portæ inferi non prævalebunt adversus eam. Et intereunte Ecclesiā visibili invisibilem interire necessum est, quia teste Calv. l. 4. c. 1. §. 4. Extra visibilis Ecclesia gremium nulla est speranda peccatorum remissio, nec ulla

Salus. Dein l. c. §. 2. ostendit se loqui de Ecclesia visibili, quia dicit eam Catholicam dici seu universalem, quia non duas aut tres invenire licet, quin discerpatur Christus, quod fieri non potest. Unde etiam sequitur sectas sibi invicem contradicentes (ut in variis Lutherana & Calvinistica) & Romano-Catholicæ Ecclesiæ dogmatibus contrariantes, non posse cum eadem unam constituere Christi Ecclesiam, quo tamen aliqui Calvinistæ confugiunt.

510.

SOlebat Calvinus dicere Lutherum prædecepsorem suum in Ecclesia in sylvam inconditam per superstitiones & idololatriam redactam grandiores excidisse arbores, se residua extirpare virgulta. Debebat dicere se, quidquid devotionis succum instillare, reverentiam erga Deum ac Salvatorem nostrum ingerere, fiduciam æternæ salutis augere, ad bona opera & constans Dei servitium animos hominibus addere potest, penitus sustulisse, & Lutherum quidem impia tradidisse dogmata grosso suo & scutilli agendi, loquendi, scribendi modo, sed se eloquenti acutoque stylo & perplexis loquendi formis, aut etiam ingeniosis ac vafris verborum involucris ac antilogiis multò deteriora effutiisse. Hujus asserti mei solidissima probatio patet ex sequentibus.

Primo. Lutherus admisit realem Christi presentiam in pane ac vino consecrato. Circa Missam